

Član 8.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-54842-8.9/24
26. decembra 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 11. stav (3) Zakona o poticaju razvoja male privrede ("Službene novine Kantona Sarajevo", broj 29/15), člana 13. stav (9) Pravilnika o postupcima u provođenju programa razvoja male privrede ("Službene novine Kantona Sarajevo", broj 20/21, 25/23, 47/23, 16/24 i 27/24) i Budžeta Kantona Sarajevo za 2024. godinu ("Službene novine Kantona Sarajevo", broj 55/23), a u skladu sa Godišnjim planom provođenja Programa razvoja male privrede za 2024. godinu, Vlada Kantona Sarajevo, na 58. sjednici održanoj 09.01.2025. godine, donijela je

ODLUKU**O IZMJENAMA ODLUKE O IZBORU KORISNIKA
POTICAJNIH SREDSTAVA SA IZNOSOM OVIH
SREDSTAVA PO JAVNOM POZIVU ZA
DOSTAVLJANJE PRIJAVE ZA REFUNDIRANJE
TROŠKOVA TEHNOLOŠKE MODERNIZACIJE,
UVOĐENJA/OBNAVLJANJA STANDARDA
KVALITETA I DIGITALIZACIJE POSLOVANJA,
BROJ: 07-05-15-30239-2/24 OD 30.05.2024. GODINE**

Član 1.

- (1) U članu 1. Odluke o izboru korisnika poticajnih sredstava sa iznosom ovih sredstava po Javnom pozivu za dostavljanje prijave za refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja, broj: 07-05-15-30239-2/24 od 30.05.2024. godine, broj: 02-04-55327-4/24 od 27.12.2024. godine (u daljnjem tekstu: Odluka) korisnik sredstava pod rednim brojem 88. briše se.
- (2) Redni brojevi od 89. do 93. postaju redni brojevi 88. do 92.

Član 2.

U članu 2. Odluke stav (1) mijenja se i glasi: "Poticajna sredstva iz člana 1. ove odluke utvrđuju se u ukupnom iznosu od 2.451.361,44 KM (slovima: dva miliona četiri stotine pedeset jedna hiljada tri stotine šezdeset jedan i 44/100 konvertibilnih maraka)."

Član 3.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-270-2/25
09. januara 2025. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 16. stav (2) i 67. Zakona o predškolskom odgoju i obrazovanju ("Službene novine Kantona Sarajevo", broj 26/08, 21/09, 33/21 i 31/22), Vlada Kantona Sarajevo, na 58. sjednici održanoj 09.01.2025. godine, donijela je

ODLUKU**O IZMJENI I DOPUNI ODLUKE O PEDAGOŠKIM
STANDARDIMA I NORMATIVIMA ZA PREDŠKOLSKI
ODGOJ I OBRAZOVANJE**

Član 1.

- (1) U Odluci o Pedagoškim standardima i normativima za predškolski odgoj i obrazovanje ("Službene novine Kantona Sarajevo", broj 46/16, 12/21, 20/22 i 35/24), u poglavlju V, u članu 15. iza stava (2) dodaju se st. (3), (4) i (5) koji glase:
 - (3) Pored lica iz stava (2) ovog člana predškolske ustanove mogu zaposliti polaznike programa necikličnog obrazovanja "Prekvalifikacija za rad u predškolskom odgoju i obrazovanju" koji su ostvarili Certifikat sa dodatkom (obrazac 15. i 15.1.) Pravilnika o sadržaju javnih isprava ("Službene novine Kantona Sarajevo", broj 46/23) i time stekli kompetencije za samostalni odgojno-obrazovni rad u predškolskim ustanovama" (ostvarenih 60 ECTS).
 - (4) Program necikličnog obrazovanja "Prekvalifikacija za rad u predškolskom odgoju i obrazovanju" je namijenjen za bachelore, magistre ili profesore razredne nastave i za bachelore, magistre ili profesore pedagogije koji su završili trogodišnji, četvorogodišnji ili petogodišnji studij razredne nastave ili trogodišnji, četvorogodišnji ili petogodišnji studij pedagogije (180, 240, 300 ECTS bodova).
 - (5) Polaznici programa iz st. (3) i (4) koji su stekli Certifikat sa dodatkom (obrazac 15. i 15.1.) Pravilnika o sadržaju javnih isprava ("Službene novine Kantona Sarajevo", broj 46/23) i kompetencije za samostalni odgojno-obrazovni rad u predškolskim ustanovama" (sa ostvarenih 60 ECTS) stiču pravo za izbor mentora i podliježu pripremama za polaganje stručnog ispita ako to nisu položili u skladu s Pravilnikom o polaganju stručnog ispita odgajatelja, nastavnika i stručnih saradnika ("Službene novine Kantona Sarajevo", broj 12/00, 10/01, 22/04)."
- (2) Dosadašnji stavovi od (3) do (10) postaju stavovi od (6) do (13).

Član 2.

Ova odluka stupa na snagu narednog dana od dana objave u "Službenim novinama Kantona Sarajevo".

Broj 02-04-270-3/25
09. januara 2025. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 19. Odluke o osnivanju Javne ustanove "Memorijalni centar Sarajevo" ("Službene novine Kantona Sarajevo", broj 45/23) i člana 27., 74. stav (1) i 75. stav (1) Pravila Javne ustanove "Memorijalni centar Sarajevo" ("Službene novine Kantona Sarajevo", broj 10/24), a u vezi sa Zaključkom Vlade Kantona Sarajevo, broj 02-04-55334-26/24 od 30.12.2024. godine, Vlada Kantona Sarajevo, na 58. sjednici održanoj 09.01.2025. godine, donijela je